



## Publicaziuns dalla vischnaunca, jamna 42

### Radunonza generala dil Vischinadi Mumpé-Medel

Venderdis, ils 19-10-2018, allas 20.15 en la Sgursalada a Mompé-Medel.

Cordialmein envida  
*la suprastonza*

---

### Vischinadi Vitg

La radunonza generala dil vischinadi Vitg ha liug **sonda, ils 20 d'october 2018**, allas 20.00 en sala da sedutas el plaunterren dalla casa communal.

#### Tractandas:

1. Beinvegni
2. Prelecziun ed approvaziun dil protocol
3. Rendaquen e rapport dils revisurs
4. Proposta per in/a candidat/a per l'elecziun d'in/a gerau/a
5. Varia

Cordialmein envida  
*La suprastonza*

---

### Revisiun parziala dalla planisaziun locala Publicaziun dil conclus d'approvaziun

Sin fundament d'art. 49 dalla lescha cantunala davart la planisaziun dil territori (LPT) ha la regenza dil cantun Grischun approbau ils 16 d'october 2018 (conclus nr. 761) la revisiun parziala dalla planisaziun locala, la quala ei vegnida approbada ils 10 da zercladur 2018 entras la votaziun all'urna resp. ils 20 d'avrel 2018 (plan general d'avertura) entras il cussegl da vischnaunca.

**Cuntegn:** Revisiun parziala Pignola/Marias

#### Documents approvai:

- Plan da zonas 1:2000 Pignola/Marias
- Plan general d'avertura 1:2000 Pignola/Marias
- Revisiun parziala dalla lescha da baghegiar
- Rapport da planisaziun (informativ)

#### Termin da publicaziun:

30 dis (naven dils 19 d'october entochen ils 19 da november 2018)

#### Liug da publicaziun:

Casa communal Disentis/Mustér (stanza nr. 10), duront las uras usitadas da spurtegl.

Dils mieds da planisaziun approvai e dil conclus dalla regenza nr. 761 dils 16 d'october 2018 sa vegnir priu envesta tier l'administraziun communal (stanza 10) naven da venderdis, ils 19 d'october 2018 entochen gliendisdis, ils 19 da november 2018. Ils mieds legals sedrezzan tenor cefra 5 dalla disposiziun d'approvaziun.

Disentis/Mustér, ils 17 d'october 2018

*Suprastonza communal Disentis/Mustér*



## Scaldaments mobils el liber

### **Bulius da scaldar, radiaturs, radiaturs d'infratgietschen etc.**

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga aparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sub>2</sub> e.a.v. Silmeins 20% dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl aparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl aparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO<sub>2</sub> succeda entras il possessur ni entras la vischnaunca.
4. Sch'ils possessurs cumpenseschan sezs l'immissiun da CO<sub>2</sub>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. Myclimate). Per apparats da scaldar electricis sa l'obligaziun da cumpensar l'immissiun da CO<sub>2</sub> era vegnir ademplita, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils possessurs cumpenseschan buca sezs l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa frs. 60.–.
6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG). Las vignettas san vegnir retratgas tier l'administraziun communal.

Disentis/Mustér, ils 2 d'october 2018  
Administraziun communal

---

## **TalentSchule.Surselva Infoabend**

**Mittwoch, 31. Oktober 2018, 19.30 Uhr im Schulhaus Ilanz, Aula**  
Weitere Informationen siehe Gemeinde Ilanz/Glion.

---

## **Sera d'informaziun scola da talents Surselva**

**Mesjamna, ils 31 d'october 2018, 19.30 ell'aula dalla casa da scola, Glion**  
Ulteriuras informaziuns mira vischnaunca Ilanz/Glion.

---

## **Uniun da dunnas Disentis/Mustér**

### **Sentupada cun affons pigns e geniturs**

La gruppa da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la gruppa da termagliar Artgin che ha liug el medem local e nua ch'ils affons stantan persuls duas uras cun las



menadras, e quei inaga ad jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin vossa viseta.

Proxima sentupada: **ils 30 d'october 2018**

Temps: 14.30–16.00

Liug: Casa da scola Segnas, local Artgin, ella 1. alzada

Prender cun: marena e scalfins

Ulteriuras informaziuns e datums anfleis Vus sut [www.uddm.ch](http://www.uddm.ch)

Cordialmein envida

*Uniun da dunnas, ressort affons*

---

### **Sera da troccas a Mustér**

Nus lein puspei envidar ad ina sera da troccas per in e scadin. L'emprema sera ha liug mardis, ils 23 d'october 2018 naven dallas 19.00 el «Hotel La Furca». Era novizs che vulan emprender da dar troccas ein cordialmein beinvegni. Cordialmein envidan

*Gion Michel Flepp, Marco e Romeo Schmed*

---

### **Forum**

#### **Prof. Dr. Daniel Süss, Jugend- und Medienforscher**

«Digitale Medien im Alltag junger Menschen – Wie sie zu Wohlbefinden und Krisen beitragen können»

**Donnerstag, 25. Oktober 2018, 20.30 Uhr Peter- Kaiser-Saal**

---

### **Pardanonza a Mumpé Tujetsch**

#### **Invit ad in refrestg suenter la messa festiva**

**Dumengia, ils 21 d'october 2018** allas 11.15 messa festiva a Mumpé Tujetsch. Suenter la messa festiva offerescha il vischinadi Segnas e Mumpé Tujetsch in refrestg.

Envidai ein in e scadin. Cordialmein envida

*Vischinadi Segnas/Mumpé-Tujetsch*

---

### **Invitaziun Seniors-Ca**

Il cussegl pastoral dalla pleiv s. Gions organisescha ed envida gievgia, ils 25 d'october 2018 allas 14.00 en Claustra a Mustér tier ina devoziun cun unenziun dils malsauns en baselgia da Nossadunna.

#### **Meisa da miezdi organisada da Seniors-Ca e Puntreis.**

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56).

*Post d'informaziun Seniors-Ca*

---

### **Staziun d'anugls**

**Radunonza, ils 26 d'october 2018, allas 20.00 a Disla, uustria «Fravia».**

*La suprastonza*